

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTON
Broj: T04 0 KT 0060270 25
Zenica, 18.03.2026. godine

OPĆINSKOM SUDU U ZAVIDOVIĆIMA
-Sudiji za prethodno saslušanje-
ZAVIDOVIĆI

Na osnovu člana 45. stav 2. tačke i), člana 241. stav 1. ZKP-a F BiH, podižem

OPTUŽNICU

Protiv:

H. A., ...,

što je:

dana 05.09.2024. godine, na području općine Maglaj, suprotno odredbama člana 4. stav 1. i člana 19. i 20. Zakona o sprečavanju i suzbijanju opojnih droga u BiH, iako je znala da je držanje opojne droge radi prodaje zakonom zabranjeno, to je i htjela, pa je neovlašteno kod sebe radi prodaje držala jedan prozirni pvc vakumirani paketić sa sadržajem zelene biljne materije, neto mase 18,945 grama, za koju biljnu materiju je vještačenjem utvrđeno da sadrži psihoaktivnu komponentu "tetrahidrokanabinol" (THC), te predstavlja opojnu drogu "cannabis sativa L", poznatiju kao opojna droga "marihuana", koja droga je pod rednim brojem 13 "Liste opojnih droga" iz Tabele I/1 "Zabranjene tvari i biljke" i pod rednim brojem 26 Lista psihotropnih tvari iz Tabele I/2 "Zabranjene tvari i biljke", jedan otvoreni prozirni pvc vakumirani paketić sa sadržajem nepoznate materije blijedo žute boje, neto mase 4,452 grama, prozirnu pvc zip vrećicu u kojoj se nalazi 4 prozirne pvc zip vrećice sa sadržajem nepoznate materije blijedo žute boje, neto masa: 0,525 grama, 0,825 grama, 0,699 grama i 0,537 grama i jednu pvc zip vrećicu u kojoj se nalazi 4 prozirne pvc zip vrećice sa sadržajem nepoznate materije blijedo žute boje, neto masa: 0,590 grama, 0,561 grama, 0,418 grama i 0,640 grama, za koju materiju je vještačenjem utvrđeno da sadrži psihoaktivnu komponentu „amfetamin“, poznatiju kao opojna droga „speed“, koja droga je pod rednim brojem 1 „Liste psihotropnih tvari“ iz tabele II/1 „Tvari i biljke pod strogom kontrolom“ proglašena takvom, jedan blister (originalno pakovanje tableta) na kome se nalazi natpis „Bensedin 10mg Galenika“, te u njemu 7 bijelih okruglih bikonveksnih tableta, za koje tablete je vještačenjem utvrđeno da sadrže psihoaktivnu komponentu „diazepam“, koja opojna droga je pod rednim brojem 15 Tabele III: Tvari i biljke pod nadzorom iz Tabele III/2 „Popis psihotropnih tvari“ proglašena takvom, te jednu digitalnu vagu crne boje na kojoj se nalazi natpis „Item No.Mini2-200 200gx0.01g“, u namjeri da ovu drogu prodaje neodređenom broju lica, a koju opojnu drogu i digitalnu vagu je dobrovoljno predala policijskim službenicima PS Maglaj, prilikom kontrole na lokalnom putu ... na izletištu ..., a o tome joj je izdata potvrda o privremenom oduzimanju predmeta,

dakle, neovlašteno radi prodaje držala opojnu drogu,

čime bi počinila krivično djelo Neovlaštena proizvodnja i stavljanje u promet opojnih droga iz člana 238. stav 1. KZ F BiH.

Radi toga, donosim

PRIJEDLOG
dokaza koje treba izvesti

...

5. Da se na osnovu člana 78. i 238. stav 4. KZ F BiH, osumnjičenoj H. A. izrekne sigurnosna mjera oduzimanja ispitivane materije - opojne droge koja sadrži psihoaktivnu komponentu „tetrahidrokanabinol“ te predstavlja opojnu drogu „Cannabis“, neto mase 18,915 grama, opojne droge „amfetamin“, ukupne neto mase 9,004 grama, 6 tableta „bensedin“ koje sadrže psihoaktivnu komponentu „diazepam“ preostale nakon vještačenja i jednu digitalnu vagu crne boje na kojoj se nalazi natpis „Item No.Mini2-200 200gx0.01g“, a koja opojna droga i digitalna vaga se nalaze deponovane u PS Maglaj.